



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1657

§. 72. Et egressus ibat. v. 39.

urn:nbn:de:hbz:466:1-45549

stas veteris Testamenti impletio, Noui per orbem promulgatio, &c. sig.
tur sic, Deus clarificatus est in eo, & Deus clarificabit eum in se me ipso, & contenus
clarificabit eum. Atque ita videmus factum & à tempore Apostolorum per
totum orbem terrarum, & etiamnum fieri, quantum enim noui clarificatur
indies Christus contra Hæreticos scriptis, contra cæteros infideles armis,
clarificatus est Christus per omnes hæreses quæ eum obscurare voluerunt.
Quid effecerunt? Ecclesia Christi vicit, lumen accedit, & auxit. Sed quid
Christus Dominus tunc amplius in cœnaculo, à S. Luca &c. Euangelista
prætentum, effecit, aut dixit? Id S. Ioannes copiosissime cap. 13 à 12. versu &
sequentibus capitulis, 14, 15, 16, 17. enarravit in sermone illo prolixo Domini
habitu in cœnaculo, qui incipit *Filioli qui etiam peculiari egit communi-*
ratio. Ego eum modo neque hic, neque in passione Domini secundum Iо-
annem prosequor, contentus hic in seruile ex Ioanne, quæ debeat anno
Euangelistatum alio enarrata, ut plena esset historia Dominicæ Passionis,
quo ad cœnam ultimam & gesta dictaque in ipsâ cœna, cum sciam in S. Io-
annis Passionis ista à me esse prætereunda, si, ut fieri solet, Passio Dominicæ
secundum Ioannem, ab Egressu Domini trans torrentem Cedron mibi
more Ecclesiæ Romanæ inchoanda. Non mirabitur ergo Lector prolata-
tem huius §. 71. in quem plurima, licet breuissimo stilo, ex S. Ioanne interro-
debui, ut filium historiæ in ultima cœna tam exactum ostenderem, quam
dudum mihi desideravi monstrari, nunc demum impetravi. Ex reuertor ad
S. Lucæ historiam continuo commentario, quo ad Passionem Domini, &
Iustrandam.

§. 72. Et egressus ibat. v. 39.

Egressurus ad venatum prius domi omnia adornat necessaria ad istum
actum. Similiter iturus ad bellum contra potentem hostem prius in Consil-
torio suorum Tribunorum & Centurionum consilium & intentionem
suam proponit, ut fecit Nabuchodonosor Iudith. 1. capite, deinde aut ipse,
aut per substitutum sibi Generalem procedit in campum. Et si quidem sit
valde arduum bellum, aut Generalem exercitus opportunum non habeat,
eui possit fidere, ipse metu potius Imperator belli futurus procedit. Atque ita
factum est in præsenti negotio. Non erat in vniuerso mundo qui in bello
aduersus Satanæ potestatem, aduersus infernum, & mortem tam corpora-
lem quam spiritualem, aduersus peccatum, Humanæ naturæ corruptelam ad-
uersus iram omnipotentis Dei, ut pote offensi, posset dimicare, nisi unu his
Iesus Christus habens apud se copias paruas, nempe xi. Tribunos desig-
natos à se iam enim ante horam duodecim us etiam designatus ad hostes
transfugerat, & isti xi. satis erant ambiguæ fidei, excepto uno Petro, cuius
fides

fides interior erat satis stabilis, sed foris erat valde in conflitu dissimilaturus, qua cum parte teneret; certe negaturus, se esse ex parte sui Imperatoris.

Miserabilis erat ista, Domine Iesu, tua egressio si spectemus populum qui egrediebatur tecum, iste enim est baculus atundineus, super quem si incubuerit homo, concidet; quia deseretur, fugiet, imo abnegabit te hoste aggrediente. Si autem tu ipse specteris, est admirabiliter animosa & fortis & magnanima egressio tua, quia tu sciebas, qualis esset exercitus tuus, quam infidus futurus, & ramen tu cum eo egredieris in bellum tale, quale non fuit a Iaculis, nec postea erit amplius, ut pote, in quo prosternentur omnes inferni potestates, & omnis caro, & totus mundus. Deus meus es tu, qui sic egredieris; Deus meus in eternum.

§. 73. Ibat secundum consuetudinem. v. 39.

Vnde quo ibat Dominus? ex cœnaculo in plateas urbis; ex his ad urbem exitum seu portam urbis, ex porta Hierusalem ad torrentem Cedron, qui fluebat per valle inter Hierosolymam & montem Olivari, a torrente in moitem istom. Quomodo vero ibat secundum consuetudinem: quid est secundum consuetudinem ire? Utique ire sed non ire primum, vel non ire primâ vice. Sed vel more constituto ab alijs ire, vel more a te merito constituto ire, & tamen non ex aliquo statuto vellege ire,

Quid facis Domine Iesu? istu secundum consuetudinem? Ignorando vero, Ego secundum consuetudinem eo (ais, per Euangelistam tuum ita scribentem) an igitur ignoras quid sit consuetudo? Imo vero scio, dises. Est enim consuetudo ius quod moribus seu usu constitutum est. Sed ex quorum moribus sive via & publica consuetudo, populi sive priuata consuetudo, unius vel paucorum sive inductus modus est. Ergone, Iesu, incidis alio modo quam scriptum est? qui dixeras antea in cena: Filius hominis vadit sicut scriptum est. Imo, vado ut scriptum est, sed non solum: quia etiam secundum consuetudinem vado. Domine, video quod neque Lutheranus sis tu, neque Calvinista. Hoc vadunt vel potius dicunt solum eundem esse solum sicuti scriptum est. Tu autem vadis sicut scriptum est, & etiam secundum consuetudinem, in hoc facis uti Papistæ qui & vadunt sicuti tu & dicunt esse eundem: Gratias ago tibi Domine Iesu, quod vadens in bellum contra Infernum & mundum in ipsa via eriam hereticos profligas. Qui sunt isti heretici? qui solum partem fiduci tenenti, aliam neganti. Pars fidei est, ire sicut scriptum est, & pars fidei

K

68